



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XI. Occasione quartæ objectionis, specialiter agitur de legibus  
pœnalibus.

---

[urn:nbn:de:hbz:466:1-73203](#)

a. 4. quæstiunc. 1. Maistro disput. 2. de legib. n. 135. Bonacina apud ipsum. Valero tit. 10. §. 5. & tit. 13. §. 6.) Regulas illas non esse per se, & ratione sui veras leges, quatenus determinatè præscribunt aliquid faciendum, vel omittendum; licet dici possint leges poenales, quatenus poenam transgressoribus injungunt; ad quam acceptandam obligationem conscientiae inducunt. Hujusmodi proinde Regulæ, quatenus determinatè aliquid faciendum, vel omittendum præscribunt, meræ sunt ordinationes, similes statutis multarum civitatum, iisque quadrat quod Angelicus Doctor 2. 2. q. 186. a. 9. ad 2. ait: *Non omnia qua in lege humana continentur, traduntur per modum præcepti; sed quedam proponantur per modum ordinationis cuiusdam, obligantis (in conscientia) ad solam poenam.* Ut enim idem S. Doctor ait ibidem q. 108. a. 4. aliquis interdum punitur sine culpa, non tamen sine causa. Unde regula juris: *sine culpa, nisi sub causa, non est aliquis puniendus.*

91 Cæterum, licet Regulæ illæ per se, & ratione sui non sint veræ leges, quatenus per se in conscientia, id est, sub peccato non obligant; per accidens tamen, & ratione adjunctæ (vi voti, & statutus religiosi) obligationis tendunt ad perfectionem, per media in Regula præscripta, dici possunt veræ leges; nec dubium (ut sic) in conscientia, & sub peccato obligare, quatenus unusquisque Religiosus ad perfectionem sub peccato serio annihi tenetur per medium suo statui propria. Sed & hoc sensu sub peccato obligant, quod vix in praxi fieri possit, ut quis eas sciens & lubens sine culpa transgrediatur, prout de Constitutionibus Sacri Ordinis nostri, ipsæmet p. 4. c. 18. n. 5. declarant, quod *quamvis ex se non obligent ad culpm, sed ad penam.... tamen.... vix fieri posse, ut quis eas sciens & lubens transgrediatur sine culpa.* Confer quæ dixi tom. I. l. 10. p. 1. cap. 27. & seqq.

Et partim ideo, partim quia Regulæ illæ sunt leges poenales, Religiosi de earum transgressione judicari possunt; non verò ex eo quod ex se, quoad materiam præscriptam, sint veræ leges. Neque approbatio Summi Pontificis probat eas esse veras leges. Quia approbare non est universum auctoritatem legibus impariū: nec Regularum illarum approbatio aliud est, quam authentica Summorum Pontificum declaratio, quod Regulæ illæ salutares sint ordinationes, secundum quas earum Professores judicandi fint.

#### CAPUT XI.

*Occasione quartæ objectionis, specialiter agitur de legibus poenaliis.*

92 **O**bijices 4°. Dantur leges purè poenales. Sed istæ non obligant sub culpa, nec

proinde in conscientia, sed sub sola poena. Ideo enim purè poenales dicuntur.

Pro solutione notandum 1°. legem poenalem esse quæ imponit poenam. In quo differt à lege morali, quæ aliquid præcipit, vel prohibet, sine adjectione poena.

Notandum 2°. legem poenalem esse duplē, scilicet purè poenalem & mixtam. Purè poenalis est quæ sic poenam statuit in eos qui quidquam fecerint, vel omiserint, ut illud non præcipiant fieri, vel omitti. Mixta est quæ præcipit aliquid fieri, vel omitti, simulque poenam contrafacientibus imponit, vel copulativè, v. g. dicendo, *nemo triticum aportet è regno; qui fecerit, solvat tantum.* Vel disjunctivè, nullus è regno triticum aportet; vel si aportaverit, solvat tantum.

Notandum 3°. poenam aliam esse latæ sententiæ, aliam sententiæ ferendæ. Latæ sententiæ, est quæ sic lege est constituta, ut ipsa lex eam de facto condemnnet, nec proinde ad eam requiratur sententia Judicis condemnativa, sed solum criminis declarativa; ut cum lex dicit, *nemo hoc vel illud faciat, sub poena excommunicationis ipso factio, vel extincio, vel ipso jure incurrienda.* Et idem est si lex dicit, *excommunicamus, vel excommunicationem se noverit incurrisse, & ejusmodi.* Poena sententiæ ferendæ est poena sic lege constituta, ut ad eam incurrendam sit per Judicem, vel Superiorum condemnandus; ut si lex solum dicat, *sub poena excommunicationis, sub interminatione anathematis, vel rens erit, tali poena subiacet, vel excommunicetur, suspenderetur, &c.* Quod si dubium sit, an verba legis contineant poenam latam, vel ferendam, censendum, quod solum contineant ferendam. In penis enim benignior interpretatione est adhibenda. Rég. 49. juris in 6. Ideo cum hæc verba, sit excommunicatus, sit suspensus, dubium relinquant, nūm sententiam latam, vel ferendam contineant (quia plurimi canones continent prædicta verba, quæ tamen secundum Glossam cap. 20. de foro competenti sententiam continent ferendam; et quod ly sit accipi sic possit, ut sit de facto, vel sit in futurum.) Ideo Navarrus in Manuali c. 27. n. 12. probabiliter docet, verba illa interpretanda esse de poena ferenda (nisi ex adjuncto aliud appareat etiam plures oppositum teneant. His notatis, ad objectionem.

Respondeo, leges purè poenales à pluribus quidem Theologis admitti, sed fortasse volunt eas esse veras leges respectu Judicis, qui ad infligendam poenam (iis præscriptam) in conscientia tenetur (prout disertè exprimunt Driedo, Becanus, Vasquez, &c.) Alias namque leges poenales ipsimet negant esse veræ ac propriæ leges, prout ostendit Sylvius citatæ q. 96. quæstiunc. 8. Et merito, quia omnis lex (propriæ dicta) aliquid

quid juberet vel prohibebat, & omnis poena (propriè dicta) supponit culpam, secundum Augustinum l. i. Retract. c. 9. dicentes: *Omnis pena, si justa est, pena peccati est.* Nec proinde ea, quae propter causam quidem infligitur, sed non propter culpam (de qua suprà) poena est propriè dicta, sed impropriè. Unde si quando Princeps, legi propriè dicta, confiscari velit bona ē regno aportata, vel importata, est quia asportationem, vel importationem prohibebat. Dum verò taxam imponit aportantibus, vel importantibus, non imponit eam per modum pœnæ, sed vestigialis: sicut dum imponit pedagia ad pontes, flumina, portas, &c. solvenda.

96 Si tamen velis, dari leges purè pœnales, non solum respectu Judicis (ut suprà) catenùs dantur, quatenus in conscientia obligant ad subeundam pœnam. Ad quam proinde acceptandam transgressor (ex communi Doctorum sententia) tenetur sub culpa veniali, vel mortali. Ita nominatus Sylvestris, Sotus, Medina, Azorius, Arragonius, Wigers, quos citatos sequitur Sylvius, loco ante relato. Et alioquin ferè tota legum humanarum vis periret. Quod si de legibus, non purè, sed mixtè pœnalibus sit temo, eas in conscientia non obligare, vulgi errorem vocat Sotus. Adversus quem errorem Alphonsus à Castro libris duobus de lege pœnali ex professo invehitur; signanter l. i. c. 8. ubi sic: *Circa potestatem, quam lex pœnalis in ordine ad culpam habet, scio tam à multis erratum, ut jam proverbii loco illorum error sub hoc verborum tenore celebretur: nulla lex pœnalis obligat illitus transgressores ad culpam aliquam: quia satis est quod transgredivi legem exponat se periculo pœna per legem imposta. Qui error cum multorum animas laserit, ut certè experientia didici, ad diversa peccata committenda audaciam tribuens, coactus sum talem errorem amplissimum rationibus convincere.* Et infra: *Non solum indoctum vulgus video esse hoc errore deceptum; sed multos alios, qui se pro doctis haberi volunt, audio in hunc errorem lapsos.* Eandem opinionem Salas disput. 15. n. 10. improbabilem cum multis doctissimis Recentioribus cenfet. Et certè videtur contraria rationi: pœna enim imponitur, quominus transgressor fiat. Ergo non debet removere obligationem in foro animæ, ne præbeat occasionem transgredivi legem; sicut operetur contrarium ejus, propter quod pœna apponitur. Ideo Caramuel (tametsi indulgentissimus) in Reg. S. Bened. disput. 3. n. 37. *Leges* (inquit) *pœnales mixtas obligare in conscientia afferui. Petis utrum benignius quidquam resolu posse?* Respondeo negativè.... Nam si defendi posset, legem mixtam non obligare in conscientia, etiam due defendi contradictione possent. Idem enim est dicere, *lex mixta non obligat moraliter, ac dicere, lex que simul obligat moraliter & pœna-*

*liter, non obligat moraliter, sed purè pœnali-*  
*ter. Ubi quis ita caecus, ut non videat claram*  
*contradictionem?*

Instabis: præsumendum non est, Legisla- 97  
torem velle duplici pœnâ, velut duplici con-  
tritione, transgressores conterere, pœnâ sci-  
licet internâ & externâ, æternâ & tempora-  
li; sed potius æternam & internam remit-  
tere, dum externam imponit & tempora-  
lem.

Respondeo negando antecedens: tum quia non potest non velle adstringere sub pœna interna, si legem veram ferre velit. Tum quia licet id possit, nullo modo præsumendus esset id velle: quia imprudens esset. Dum enim vellet legem firmare, infirmaret, astu-  
tique in arte fraudandi, & occulte transgre-  
dienti hominibus, transgrediendæ legis oc-  
casionem preberet. Nec injustum est, aut novum, duplici pœnâ, internâ & externâ, temporali & æternâ transgressores punire. Dum enim Deus eum poni veriti Protopa-  
rentibus interdixit, sub pœna interdixit æ-  
ternæ damnationis, & mortis temporalis. Legi-  
bus quoque ecclesiasticis, ultra obligatio-  
nem sub culpa, saepissime imponitur obliga-  
tiō sub censura. Denique in cap. Imperato-  
res 11. q. 3. dicitur: *Inter homines pœnam fuerit,*  
*& apud Deum sortem non habebit, qui hoc fa-  
cere noluit.*

Pro hujus materiae compleimento adde le-  
gem pœnalem, quæ pœnam decernit infligendam, non obligare ante sententiam Judicis condemnatoriam. Quia in pœnis benig-  
nior interpretari facienda. Reg. 49. juris  
in 6. pœnam etiam, quæ actionem rei requiri-  
t, ipse subire non tenetur ante sententiam  
Judicis, tamen declaratoriam criminis, nisi  
ad religiosam spectet observantiam (quæ v.  
g. præscribit orationem, disciplinam, & si-  
milia.) Quia ab humana consuetudine alienum  
est, ut is qui in legem peccavit, in  
exilium v. g. proficiscatur, aut mulctam  
persolvat, ante Judicis sententiam. Pœnis  
tamen in mera privatione consistenteribus,  
in quas ipso facto incurri lex declarat, statim  
constringitur, qui legem violavit, v. g....  
pœnam excommunicationis, privationis vocis  
activæ, aut passivæ, sicut & privationis be-  
neficii, cuius proinde titulo & proprietate  
statim excidit legi eam ipso facto infligen-  
tis transgressor, tamen scipsum beneficio  
spoliare non temeat ante sententiam declaratoriam, nisi id lege sit expressum. Unde  
Parochi, qui in pœnam privationis benefi-  
cii ipso facto incidunt, acta valent; confessio  
neque ipso facto, sicut & date absolutiones,  
validæ sunt, prout Theologi uno consenserū  
docent, approbatque Mater Ecclesia, ut con-  
scientiarum quieti consulat. Fructus etiam  
retinere potest, modò beneficii onera exequatur  
(nisi lex contrarium statuat) quia ad  
ita sufficit titulus coloratus, cum errore com-  
muni.

C